

dringen worden / da ich dann allerley ver-
folgung vñ drangsal / theils vom Antichri-
stischen haussen / theils von falschen Brü-
dern / von Weib vnnd Freundschaft / tor-
quirt, gemartert / vnd agitirt, vnd also vom
Teuffel redlich durch die hechel gezogē wor-
den / Aber doch durch Gottes Väters-
lichen willen mir / vnd meiner Sehlen zu-
nus widerumb daraus errettet / vnnd aller-
erst vor Dreyen Jahren (demnach ich in
meiner geführten Pilgramschafft / etlich
Jahr der / beneben gebrauchten Poeten /
weil sie jedermann verdrieslich / das Valet
gegeben /) widerumb zu dieser wahren Phi-
losophey, Studio Medico, vnnd Scholam
Theophrastem Gott lob kommen / vnnd
mich öffentlich für einen Discipulum Pa-
racelsi erklärret / Darvon mich weder Teuf-
fel / die Welt / ihre Schuppen / Schlangen
vnd Matterngezucht / in Ewigkeit nimmer-
mehr abwenden sollen noch können werden.
Jehne Philosophia lehret vns nimmer
mehr daß Nosce te ipsum, vnnd den grund
des Natürlichen Liechts / in welchem doch
viel Heydnische Philosophen, Sonderlich
Pythagoras, so weit kommen / daß er vielen
Heutigs tags vermeinten Paulchristen wol
billich